



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### კახური თეთრი

კახური თეთრი, საშემოდგომო ატმის ჯიში, გავრცელებულია კახეთში. ხე სწრაფად იზრდება. მომრგვალო ვარჯი აქვს. მე-3 წლიდან მსხმოიარობს. ნაყოფი (მწიფდება სექტ. ბოლოს) მრგვალია და მსხვილი, ღარი ოდნავ ემჩნევა, სახრაგია. აქვს მოთეთრო, მკვრივი, თხელი შებუსუსი კანი და თეთრი, მკვრივი, ტკბილი, ოდნავ მწკლარტე, წვნიანი, არომატული რბილობი. კარგი საკომპოტე და სასუფრე ჯიშია.

**მ. ვარძელაშვილი**

---